




# **Eyn Sendbrieff an eyn Christlich Gemain, nutzlich zu lesen**

<https://hdl.handle.net/1874/425355>

je

5



Eyn Sendbrieff an  
eyn Christlich ge-  
mein/nutzlich zu lesen.

Andreas Siander,  
Prediger zu Nürnberg.

An: M. D. xxiiij.



# Andreas Gsander.

Allen Christlichen lesern.

**G**rad vnd frid von Got dem vater/vnnd Ihesu  
Christo vnserm herren. Nach dem der Allmech  
tig gott außsonderlicher gnad vnd gunst/zü di  
sen vnsern zeyten / das klar helle liecht Euangelischer  
warheyt widerumb erscheynen lassen /vnd mich durch  
sein versamlung hie zü Nürnberg solche reychtumb sei  
ner gnaden züerkünden beruffte vñ geordnet hat. Na  
ben vil frummer liebhaber göelichs worts/mich zum me  
rern mal freüntlich ersücht/vnd ernstlich gepetten / et  
liche meiner predig in denen die fürnemste haubtstück  
der geschriffte/vnnd vnser glaubens ghandelt wern/  
schrifflich außzüge zü lassen. Dieweil ich aber fleysig  
bedacht/was grossen schadens / auß dem überflüssigen  
schreiben/so nun etlich hundert jar allem halben besche  
hen/dadurch wir von dem tewren vñ beständigen wort  
gottes auff vnnutze/vnd bawfellige menschen won ge  
sürt seyn/entstanden. Hab ich den selben ansüchenden  
söllichs biß hieher abgeschlagen/Vnd sy widerüb freünt  
lich vermanet/vñ ernstlich gewarnet/Gottes wort die  
heylige geschriffte allein zü lesen vnd aller menschen ge  
schriffte nicht weytter/dann sy die rechten götlichen ge  
schriffte züersteen vñ lieb zü haben fürderlich wern/an  
zünemen/dan vnser glaub müß ye nicht auff menschl  
cher weyßheit/sonder auff Gottes krafft (wie Paulus  
zun Corinthiern spricht) besteen. Vñ was hülf es doch/  
wie klar vnd verstantlich/auch vñ den aller geleertisten  
vnd aller heyligsten lewten/das wort gottes gepredigt  
würdt/wan wir nicht wüßten/das es gottes wort were/  
welchs alleyn der velt ist wider den die hellischen pfort  
ten nichts vermögen. Wir müessen wissen/das es war  
sey/auff das wir mögen wider die sünde/todt/vnd hell  
darmie sechten vnnd überwinden. Das wissen wir aber

nymmer mer/dan wann es gottes wort vnd heylige schrieffte  
ist. Darumb das alle mensche/wie Dauid sagt/ lügner  
sein/vnd Esaias/Alles fleysch sey wie gras/vn alle sein  
herligkeit/wie ein plüm des feldis/Gottes wort aber be  
stee ewiglich. Wo man nun gottes wort predigt/ist re  
cht vnd wol gethan/es bedarff aber keins schreybens/  
dan es ist vorhyn geschriben/vnnd thut nichts anders/  
dan das es sünd vnd todt durch das gesetz antzeygt/vn  
Christum der sünd vnnd todt von allen denen/so an yn  
glauben hynweg nympt/durch das Euangelion offen  
baret. Wie wol aber nu diß ein kurtzer begriff der gan  
zen geschrieffte ist/wirt es doch an eynem ort mit klaren  
vnd verstentlichen wortten/ am andern mit verdeckten  
vn verporgenen gehandelt. Welche nun die klaren vn  
hellen geschrieffte recht handeln/die tuncckeln vnd verdeck  
ten gründlich außlegen/vnd mit der hellen vergleichen  
kan/der mag es wol schriefftlich außlegen lassen die frün  
men vnd eynfeltigen darmit zutrösten/stercken/vnd in  
die schrieffte züföhren/den lesterern aber/die wider Gots  
wort toben vnd wüten/das maul züstopffen/auff das  
yederman sehe vnnd alle zungen bekennen/das Ihesus  
Christus herr sey/der gelobt vnd gepreyht ist ymer vnd  
ewiglich. Amen.

Sieweil ich nun gesehen hab/das nicht allein vil vn  
nützer büchlein/die der obgemelten stück keins thün/im  
land hyn vnd wider gefürt werden/sonder auch die/so  
sich des auff's höchst besleyssen/wenig außrichten/vnd  
sölche büchlein/nur auß fürwitz für newe mer gelesen  
werden/dar bey auch fleyslig betracht das nyemandt  
ichts fruchtparlichs on gotes beruff inn der Christliche  
versamlung außrichten mag/hab ich biß hieher meyns  
beruffs gewartet/mündlich/als vil mir Got verliehen  
gepredigt/vn mich des schreybens enthalten. Nun aber  
das bitten meiner gütten freündt/die mir auch in Chri  
sto wol gepietete möchtē/mit außhörn will/vn über sölchs

auch ander leüt etliche büchlein vnder meinem namē/  
die ich doch nit geschriben hab/ trucken vñ verkauffen/  
will ichs/ die weyl ich den selbē schriftlich wōrn müß/ für  
ein beruff annemen/ vnd got lassen walten. Fürs selbs  
schreiben vñ in truck gebe was ich einer Christlichen ge  
main zütrost vñ vnderweisung vermag/ Bitt hie mit/  
beyde freünde vñ feinde/ wöllen fürs kein teütsche schrift  
vnder meinem namen annemen/ kauffen oder lesen/ sy  
sey dan hie zü Nürnberg bey mir/ oder nach dem selbi  
gen getruckte vnd außgangen/ Dan ich will den feyn  
den/ wo etwas on meyn willen vnd wissen/ anderwo ge  
truckt würde/ vnd sy es anfechten wöllen/ kein antwort  
zügeben schuldig sein/ vnd die freünde warnen/ sy wer  
den nichts ganzs rayns vnd volkommens darinnen fin  
den/ dann sy haben eyn Predig von der Hochzeyt zü  
Chana in Gallilea zü Augspurg getruckte/ vnd mir zü  
geschriben/ die ich doch weder geschriben/ noch gepre  
digt hab/ welches man dar bey wol spüren mag/ das sy  
zum ersten meinen namen noch nicht recht gewußt ha  
ben. Zum andern/ daß sy mir ym anfang vil schöner  
sprüch im Latein zülegen/ so doch meniglich weyß daß  
ich in meynen Teütschen predigen nit meer Lateyn  
prauch/ dan Cicero in seinen Lateinischen Reden Grie  
chisch. Zum dritten/ das es mein sprach nit ist/ noch vil  
weniger/ die recht art meiner rede/ dan es ist ein söliches  
vntolkommen sückwerck/ daß ichs auf den hewertigen tag  
selbs noch nit alles verstee. Zum vierdten/ daß die pre  
dig in drey teyl geteylt ist/ welches ich auch nit pfleg zü  
thun/ noch vil weniger/ das hyndter herfür zükeren/  
wie daselbst bestehen ist.

Wie wol ich noch ingedechtig bin/ vñ beken/ daß ich  
auch von der selben Euangelischen hystorien gepredigt  
hab/ ist doch ein andere meynung gewesen/ Ich will den/  
der dises züsamen geslicht hat/ wer er ist/ nicht verachtē  
Sonder mir nit lassen züschreyben/ das ich nit gemacht

hab. Ich hab aber zum aller erstē gesagt/mā dürff hier  
inne keyn geystliche bedewtung sūchen. man soll wein/  
weyn bleyben lassen / sonder den glauben recht darin-  
nen lernen/dan es sey eyn recht schön exempel dar bey  
vns fürgebildet vnd angetzeygt werd wie Christus vn-  
ser herr allen glaubigen zūhelffen pflege.

Zum ersten hab ich gesagt/sey er ein helffer zur rech-  
ter zeit in der not/wie dan Dauid sagt. Wan wir aller  
ding gar verlassen sein/vn sunst kein hilff mer habē/al-  
les trosts beraubt sein/vn allein auf in sehē vn vertran-  
en/wie die augē der knecht/spricht Dauid/sehē auff die  
hende/vn hilff irer herrē/vn die augen der dienerin auf  
die hende irer frawen/also sein vnser augen zū Got vn-  
serm herrē/so lāg/bis er sich vnser erbarm. Gleich wie er  
auch nicht ee wasser zūwein macht /es wisse dan yeder  
man das on wein mangel/vnd keiner mer da sey.

Zum andern/ertzeygt er solche seine hilff nit vmb vn-  
fers verdienstes. noch vmb frembder fürbit willen. sond  
aus eygener vnd vnaußsprechlicher gnad vn barmher-  
zigkeit vmb vnfers glaubens willen/seinem götliche na-  
men zū eren/wie das die geschrift an vilen ortē anzeigt/  
darumb er auch hie seiner müter manen vnd fürbit ver-  
wirffe/vn spricht Was er mit jr zū thun hab : das nit ye  
mants maynet sy hets erworben.

Zum drittē/thū er alle seine werck auß ewigē vnerfor-  
schlichem Rath seines götlichen willens/also das wir nit  
sorgē dürffen. er weiß zūtor wz wir bedürffen/ist auch  
die stund schō geordnet/darin er vns gebē/vn hilff erzeygē  
will/darüb spricht er. mein stund ist noch nit kōmen.

Zum vierdten. zeyge er die rechte frucht des leydens  
vn mangels an. in denē wir seiner hilff bedürffen/dan  
gleich wie der leyst weyn besser war. denn der erst/also

ist auch alle hülff Christi süßer vnd erößlich er/wan mā  
zūvor aller creaturlichen hilf beraubt/vñ ene setz wirt/  
dan wo dz geschicht/muß mā darnach greyffen/dz vnß  
nyemand dan Got allein geholffen hat/vñ dar bey sein  
göliche lieb/gnad vñ barmherzigkeit spüren/daraus  
dem hertzen ein vnaussprechliche freud vñ lieb entsteet/  
daruon es gleych zur schmilzt vnd truncken wirt.

Zum Fünfften vñ letzten/hab ich den Felichen stande  
nach ynhalt der heyligen schrift gelobt/yederman/der  
nit rechte/reyne/vñ geystliche juncfrawschafft halten  
möge frey gemacht/vnd darneben angezeygt/wie die/  
so den Felichen stande verpieten/vom glauben abge-  
tretten/vnd des Teuffels Apostel seyen/wie das Pau-  
lus zūvor gesagt hat in der ersten zu Timotheo am. iij.  
Der geyst aber sagt dewtlich - Das in den lesten zeyten  
werden etliche vō dem glauben abtretten/vñ anhang-  
en den yruigen geysten vñ leren der Teuffel durch die/  
so in gleißnerey lügenreder seind/vñ bi andermal in jren  
gewissen haben/vnd verpieten Felich zu werden/vñ zu-  
meyden die speyß/die Got geschaffen hat/zunehmen mit  
danck sagung/den glaubigen vnd den endie die warheit  
erkenner haben. Dises alles hab ich lautter/klar/vñ  
verständlich gehandelt/vñ mit der heyligē schrift über-  
flüssig bewisen/vnd yetzo nur kurtzlich angetzeygt/auf  
das man sehe/wie ferre diser flicke noch des rechte ziele  
geselet hab.

Warumb sy aber mir solche verwickelte vnd vnvol-  
komne predig zu eygnen/kā ich nit gründlich wissen/  
das sy mirs zū nacht Eyl thūn - glaub ich noch nicht/  
dieweil ich nichts schedlichs darinne gefundē hab. Das  
sy es mir zū eren thūn/glaub ich auch nit/dan es müste  
ye grobe vñ vnuerstendige leut sein/die solchs jr flicke  
werck für rümwirdig achten wollen/vñ ob es schon gut  
were/sollen wir ye vns in gottes wort vnd gaben key-  
nen rümschepffen/nach hochfertig sein/sonder Got al

leyn die eer geben. Darumb kan ich nicht anders ge-  
dencken/dan sy haben meinon namen daran gehenck/  
auff das sy es dester fürderlicher verkauffen.

Auflegung über das.iiij.vvnd.iiij. capitel der ersten  
Epistel Petri will ich kürzlich in truck geben/vnd dar  
in yederman meines glaubens grundt vnd vrsach an-  
zeygē/auff das alle die so mir vnchristlich er leer schuld  
geben zūschanden werden / vnd auffhören das heylig  
wort gottes zūlestern. Amen. Die gnad vnd gunst vn-  
sers herzen Ihesu Christi sey mit euch allen. Bitt Gott  
für mich. Geben zum Syntter spähel am. xxij. tag des  
Herbstmonds/nach Christi vnsers Daylands geburt.  
Tausent Fünffhundert/vñ im dreyundzweyntzigsten  
Jar.

**I** Gedruckt in der Fürstlichen Stat Zwickaw  
durch Jörg Gastel des Schön-  
spergers diener.



1857016

Faint, illegible text, possibly bleed-through from the reverse side of the page.

Erhalten bei der...  
Ganz...  
...